


Ūhoro Ūrĩa Mwega





Naguo mweri wake wa itandatū wakinya-rī, mūraika ūcio Jibiraili agītūmwō, oimīte kūrī Ngai, athiī itūūra rīa Galili rītāgwo Nazarethi, kwī mūrītu worītio nī mūdū wetagwo Jusufu, ūrīa warī wa nyūmba ya Daudi; nake mūrītu ūcio etagwo Mariamu. Nake mūraika agītōnya harīa aarī, akīmūūria afīrī, Wī mūhoro, wee wī mūrathime mūno? Mwathani arī hamwe nawe. Nake agītangīka mūno nī ūndū wa ūhoro ūcio, agīciria ūrīa ngeithi icio itarīī. Nake mūraika akīmwīra afīrī, Mariamu, tiga gwītīgīra; nī gūkorūo nīūkinyīrūo nī Wega wa Ngai. Na afīrīrī, nīūkagīa ihu, ūciare kahīī, nako nīūgagatua Jesu. Nake nīagatuīka mūnene, ningī nīagetagwo Mūrū wa Ūrīa-wī-Igūrū-mūno: nake Mwathani Ngai nīakamūhe gītī-gīa-ūthamaki kīrīa gīa ithe, Daudi; nake nīagathamakagīra nyūmba ya Jakubu mīndī na mīndī; naguo ūthamaki wake ndūgathira o na rī. (Luka 1:26-33)

Nake Mariamu akiuga afīrī, Niī-rī, ndī ngombo ya Mwathani: ndīroekwo o ta ūguo woiga. Nake mūraika agītigana nake, agīthiī. (Luka 1:38)



Nake Jusufu akiuma Galili, o itũura rĩa Nazarethi, agĩthĩ Judea, o itũura rĩrĩa rĩa Daudi rĩtagwo Bethi-lehemu, nĩ ũndũ we aarĩ wa nyũmba o na wa mbarĩ ya Daudi; nake aathiire kũu nĩ getha makeandĩkithie hamwe na Mariamu mũirĩtu ũrĩa orĩtie, nake aarĩ mũritũ. Na gũgĩkinya atĩrĩ, hĩndĩ ĩrĩa maaikarĩte kũu, mũthenya wake wa gũciara ũgĩkinya. Nake akĩrigithatha kahĩ, agĩkarigicĩria tama wa ciana, agĩgakomia mũharatĩ ũrĩa warĩagĩrũo nĩ ũhiũ, tondũ nĩmaagĩte ha kũraara nyũmba ya ageni thĩinĩ. (Luka 2:4-7)




Nakuo kũu bũrũri ũcio nĩkwarĩ arĩithi maaikarĩte werũ-inĩ, magaikaragia ũhiũ wao ũtukũ. Nao makiumĩrĩrũo nĩ mũraika wa Mwathani, o na riri wa Mwathani ũgĩkenga igũrũ rĩao mĩena-inĩ yothe; magĩgĩtigĩra mũno. Nake mũraika ũcio akĩmera atĩrĩ, Tigai gwĩtigĩra; tondũ rĩrĩ, nĩndamũrehere ũhoru mwega wa gĩkeno kĩnene ũrĩa ũgatuĩka wa andũ othe: nĩ gũkorũo ũmũthĩ nĩmũciarĩrũo Mũhonokia o itũũra-inĩ rĩa Daudi, nake nĩwe Kristo ũrĩa Mwathani. Na rĩrĩ, kĩrĩa kĩrĩmũmenyithia ũndũ ũcio nĩ gĩkĩ; nĩmũrĩona gakenge karigicĩrio tama wa ciana, na gakometio mũharatĩ-inĩ. Na o kahinda kau-rĩ, hamwe na mũraika ũcio hakĩonwo haagĩa o rĩmwe araike aingĩ a Igũrũ gĩtutu kĩnene, makĩgooca Ngai makiugaga atĩrĩ,

Ngai arokumagio Igũrũ o Igũrũ, Naguo thayũ ũrogĩa gũkũ thĩ kũrĩ andũ arĩa akenagĩra.

(Luka 2:8-14)



Nako kaana kau gagikūra, gakīgā na hinya, gakīyūrūo nī ūūgī;
naguo Wega wa Ngai watūire nako. (Luka 2:40)



Noguo Johana okire, ūrĩa wabatithanagĩria werũ-inĩ, na akaheanaga ūhoro atĩ kũbatithagio arĩa merĩrĩte nĩguo marekerũo mehia mao. Na kĩrĩndĩ gĩothe kĩa Judea kĩoimagaraga gĩgathiĩ kũrĩ we, o na andũ othe a Jerusalemu, na makabatithio nĩwe thĩinĩ wa rũũĩ rĩa Jorodani, makiumbũraga mehia mao. Nake Johana nĩehumbaga nguo ya guoya wa ngamĩra, na akeoha kamũkwa njohero, na akarĩaga ngigĩ na ūũkĩ wa hako. Na nĩaaheanaga ūhoro, akoiga atĩrĩ, Nĩkũrĩ ūgũũka thutha wakwa ūrĩa wĩ na hinya kũrĩ nĩ, itaigaine nĩ nyinamĩrĩre njohore mĩkwa ya iratũ ciake. Nĩ ndĩmũbatithĩtie na maĩ; ūcio akamũbatithia na Roho Mũtheru.

Na nĩgwekirũo atĩrĩ, matukũ macio, Jesu agĩũka oimĩte Nazarethi, itũũra rĩa Galili, akĩbatithio nĩ Johana thĩinĩ wa rũũĩ rĩa Jorodani. Na kahinda o kau oimĩra maĩ-inĩ, akĩona Igũrũ rĩemũkĩte, na akĩona Roho akĩmũkũrũkĩrĩra atarĩ ta ndutura: ningĩ mũgambo ūkiuma Igũrũ ūkiuga atĩrĩ, Wee nĩwe Mũrũ wakwa nyendete mũno, nĩngenaga nĩ ūndũ waku.

(Mariko 1:4-11)



Agĩcoka akĩhaica kĩrĩma-inĩ, agĩta o arĩa eyendeire we mwene; nao magĩthĩ harĩ we. Akĩamũra ikũmi na erĩ, maikarage nake na ningĩ amatũme makahunjie ũhoro, na magĩe na wathani wa gũtũma ndaimono ciume andũ.


(Mariko 3:13-15)



Na rĩrĩ, kwarĩ mũndũ wa thiritũ ya Afarisai, wetagwo Nikodemo, na aarĩ mũnene wa Ayahudi. Ūcio agĩthĩ kwĩ Jesu ũtukũ, akĩmwĩra, Rabi, nitũũ wee ũrĩ mūrutani uumĩte kwĩ Ngai; amu gũtirĩ mũndũ ũngĩhota gwĩka ciama ici wĩkaga, Ngai atarĩ nake.

Nake Jesu agĩcokia akĩmwĩra, Ndakwĩra atĩrĩ, o ma, ma, Mũndũ aaga gũciarũo rĩngĩ, ndangĩhota kuona ũthamaki wa Ngai. Nake Nikodemo akĩmũũria atĩrĩ, Mũndũ ahote atĩa gũciarũo e mũkũrũ? Aahota gũtonya nda ya nyina hingo ya kerĩ, aciarũo? Nake Jesu agĩcokia atĩrĩrĩ, Ndakwĩra o ma, ma, Mũndũ aaga gũciarũo nĩ maĩ o na Roho, ndangĩhota gũtonya ũthamaki-inĩ wa Ngai. Kĩrĩa gĩciarĩtwo nĩ mwĩrĩ no mwĩrĩ, na kĩrĩa gĩciarĩtwo nĩ Roho nĩ roho.

(Johana 3:1-6)



Na gũgĩkinya atĩrĩ,
ihinda inyinyi rĩathira,
agĩthĩ itũũra rĩetagwo
Naina; nao arutwo ake magĩthĩ
nake, o na andũ kĩrĩndĩ kĩingĩ. Nake
aakinya hakuhĩ na kĩhingo gĩa itũũra rĩu,
nĩhaarĩ mũndũ mũkuũ wakuuagwo
arutwo itũũra, na aarĩ wa mũmwe, nake
nyina aarĩ wa ndigwa; na andũ aingĩ a itũũra rĩu
maarĩ hamwe nake.

Na rĩrĩ, Mwathani aamuona, akĩmũiguĩra tha akĩmwĩra atĩrĩ, Tiga kũrĩra.
Agĩthengerera hakuhĩ akĩhutia gĩtanda: nao akuui akĩo makĩrũgama. Agĩcoka
akiuga atĩrĩ, Kamwana gaka, nĩndakwĩra atĩrĩ, Ũkĩra. Na rĩrĩ, mũndũ ũcio warĩ
mũkuũ agĩũkĩra agĩitĩka kwaria. Nake Jesu akĩmũnengera nyina. Nao othe
makĩgwatwo nĩ guoya: magĩkumia Ngai, makiuga atĩrĩ, Kaĩ gwitũ nĩgũũkĩrĩte
mũnabii mũnene-ĩ: o na makiuga atĩrĩ, Ngai nĩaceereire andũ ake. (Luka 7:11-16)



Jesu aagitiira maitho, ona atĩ gwĩ kĩrĩndĩ kĩingĩ gĩgũũka kũrĩ we, akĩũria Filipu atĩrĩ, Tũkũgũra mĩgate kũ, andũ aya makĩrĩe? Akĩmũũria ũguo atĩ amũgerie; amu we mwene nĩoĩ ũrĩa egwĩka. Filipu akĩmũcokeria atĩrĩ, Mĩgate ya ciringi magana merĩ ndĩngĩmaigana, atĩ nĩguo o mũndũ one kanini. Na mũrutwo wake ũmwe, wetagwo Andarea, mũrũ wa nyina na Simoni Petero, akĩmwĩra atĩrĩ, Haha he kahĩ ke na mĩgate itano ya ngano ya cairi, na ciũngũyũ igĩrĩ; ĩndĩ tũirio tũu-rĩ, tũkĩrĩ kĩ, andũ maigana ũũ?

Nake Jesu akiuga, Īrai andũ maikare thĩ. Na rĩrĩ, handũ hau haarĩ na nyeki nyingĩ. Arũme nagĩgĩikara thĩ, mangĩhinga ta ngiri ithano. Nake Jesu agĩkĩiyũkia mĩgate ĩo, na aarĩkia gũcokeria Ngai ngatho, akĩgaĩra andũ acio maaikaire thĩ; o na ciũngũyũ nacio o ũndũ ũmwe, akĩmahe ciigana o ũrĩa mekwenda. Na maahũna, akĩra arutwo ake, Oyai cienyũ iria itigarĩte, gũtikore kĩndũ. Magĩkĩoya, makĩiyũria ciondo ikũmi na igĩrĩ cienyũ cia mĩgate ĩo itano ya cairi, iria ciatigirio nĩ andũ acio maarĩire. Nao andũ maakĩona kĩama kũu aaringire, makiuga atĩrĩ, Ti-itherũ, ũyũ nĩwe mũnabii ũrĩa wa gũũka gũkũ thĩ.

(Johana 6:5-14)



Na gūgīkinya hwaī-inī, arutwo ake magīikūrūka kinya iria-inī; magītonya marikabu, makīgwata kūrīnga iria makinye Kaperinaumu. Na hīndī ūo nīgwatukīte, na Jesu ndarī aramacokerera. Narīo iria rīkīenda kūgīa makūmbī mūno nī ūndū wa rūhuho rūnene rūahuhūkanagia. Na maarīkia gūtwarā marikabu handū haigana ta mairo ithatū kana inya-rī, makīona Jesu agīūka agīkinyaga maī igūrū agathengerera marikabu; magītigīra. Nake akīmera atīrī, Nī niī; tigai gwītīgīra.

Magīgītikīra atonye marikabu-inī, na kahinda o kau marikabu īgīkinya rūtere kūu maathiaga. (Johana 6:16-20)




Ningĩ andũ makĩmũtwarĩra twana, aĩ atũhutie: nao arutwo makĩmakaania. Nake Jesu ona ũguo akĩrakara, akĩmera aĩrĩ, Rekei twana tũũke kũrĩ nĩ, mũtuge gũtũgiria: amu ũthamaki wa Ngai nĩ wa arĩa matariĩ tatu. Ngũmwĩra aĩrĩrĩ na ma, Mũndũ o wothe ũtakaamũkĩra ũthamaki wa Ngai ta kaana, ndagatonya guo o na aĩa. Agĩcoka agĩtũiyũkia moko-inĩ make, agĩtũrathima agĩtũigagĩra moko.

(Mariko 10:13-16)



Nĩ niĩ mūrĩithi ũrĩa mwega. Mūrĩithi ũrĩa mwega nĩarutaga muoyo wake nĩ ũndũ wa ng'ondũ. (Johana 10:11)

Ng'ondũ ciakwa-rĩ, nĩciiguaga mũgambo wakwa, na niĩ nĩndĩciũĩ, nacio ikanũmĩrĩra; na niĩ ngacihe muoyo wa tene na tene, na itirĩ hingo ikora, o rĩ, o rĩ, na gũtirĩ ũngĩgacihuria ciume moko-inĩ makwa. (Johana 10:27-28)



Tondũ ũcio athĩnjĩri-Ngai arĩa anene na Afarisai makĩũngania kĩaama, makĩũria atĩrĩ, Tũgwĩka atĩa? amu-rĩ, mũndũ ũcio nĩekaga ciana nyingĩ. Twakĩmũtiga o ũguo-rĩ, andũ no metĩkie ũhoru wake othe, nao Aroma moke matũtunye handũ haha haitũ, o na ũhoru witũ wa gũtuĩka rũrĩrĩ. No rĩrĩ, ũmwe wao wetagwo Kaiafa, warĩ mũthĩnjĩri-Ngai ũrĩa mũnene mwaka ũcio, akĩmera atĩrĩ, Inyuĩ mũtirĩ ũndũ mũũĩ; na mũtigũgĩtarania atĩ ũndũ ũrĩa ũngĩmwagĩrĩra no mũndũ ũmwe akuĩre kĩrĩndĩ, nĩguo rũrĩrĩ ruothe rũtigathire.


Na rĩrĩ, akiuga ũguo ndaaririe etaarĩte we mwene, no tondũ aakĩrĩ mũthĩnjĩri-Ngai ũrĩa mũnene mwaka ũcio, nĩ kũratha aarathire atĩ Jesu nĩagakuĩra rũrĩrĩ rũu; na ti rũrĩrĩ rũu ruiki, no ningĩ akue nĩ getha acokererie ciana cia Ngai iria itũire ihurunjũkĩte. Na kuuma mũthenya ũcio maathugundanagia nĩ getha mamũũragithie. (Johana 11:47-53)



Na gwakinya hwaĩ-inĩ, agĩkorũo aikarĩte irio-inĩ hamwe na arutwo acio ikũmi na erĩ: na makĩrĩa-rĩ, akĩmera, Ngũmwĩra atĩrĩ na ma, atĩ ũmwe wanyu nĩarĩngunyanĩra.


Naomakĩigua kĩa kĩnene, namagĩtĩka kũmũria omũndũ atĩrĩ, Nĩ nĩ, Mwathani? Nake agĩcokia akĩmera atĩrĩ, Ūria waikanĩria guoko nanĩ thani-inĩ, nĩwe ũringunyanĩra.

(Mathayo 26:20-23)






Na nīhaarī andū angī erī, ageri ngero, maatwaranīirio hamwe nake makoragwo. Na maakinya handū hetagwo Kībuuri, hau nīho maamwambīire mūtī igūrū, nao acio ageri ngero, ūmwe guoko-inī gwake kwa ūrīo, na ūrīa ūngī guoko-inī gwake kwa ūmotho. (Luka 23:32-33)

Na mūdū ūmwe wa acio ageri ngero maacurītio mītī-inī akīmūruma, akiuga atīrī, Githī tiwe Kristo? Wīhonokie wee mwene, na ūtūhonokie ithuī. Nake ūrīa ūngī agīcokia akīmūkaania, akīmūūria atīrī, Anga o na Ngai ndūngīmwtīgīra, kuona atī wee o nawe nīūtuīrīrūo ituīro o take? Na ithuī-rī, nī kīhooito tūtuīrīrūo nakīo: amu nī kūrīhio tūkūrīhio maūdū marīa twaneka: no mūdū ūyū-rī, ndarī ūndū mūūru ekīte. Nake akiuga atīrī, Jesu, ītīkīra gūkandirikana rīrīa ūgoka ūgwaīte ūthamaki waku. Nake akīmwīra atīrī, Ngūkwīra na ma, atī ūmūthī nīūrīkorūo ūrī hamwe na nī kūrīa maroho ma arīa metīkītīe mathiaga. (Luka 23:39-43)




Na gwakinya ta thaa thita, gūkīgĩa na nduma būrūri wothe o kinya thaa kenda, naguo ūtheri wa riūa ūgĩthira: nakĩo gĩtama kĩa hekarũ gĩgĩatũkana na gatagatĩ. Nake Jesu akĩanĩrĩra na mũgambo mũnene akiuga atĩrĩ, Awa, nĩndakũnengera roho wakwa o moko-inĩ maku: na aarĩkia kuuga ūguo, agĩtuĩkana. Nake mũnene ūrĩa wa athigari igana ona ūrĩa gwekĩka, agĩkumia Ngai, akiuga atĩrĩ, Kaĩ ti-itherũ mũndũ ūyũ oima mũthingu-ĩ!

(Luka 23:44-47)





Na hwaĩ-inĩ wakinya-rĩ, hagĩũka mũndũ waĩ gĩtonga wa itũũra rĩa Arimathea, wetagwo Jusufu, nake we mwene aarĩ mũrutwo wa Jesu: ũcio agĩthĩ kwĩ Pilato, akihoya aheo mwĩrĩ wa Jesu. Hĩndĩ ïo Pilato agĩathana atĩ ũkaneanwo. Nake Jusufu agĩkuua mwĩrĩ, akĩũthaya na tama mũtheru wa gatani, akĩũiga mbĩrĩra yake njerũ ãrĩa enjithĩtie rũaro-inĩ rũa ihiga ta muungu: na akĩgaragarĩria mũromo wa mbĩrĩra ïo ihiga rĩnene, agĩũthĩra. Nake Mariamu Mũmagidali aarĩ ho o na Mariamu ũrĩa ũngĩ, maikaire thĩ mang'etheire mbĩrĩra. (Mathayo 27:57-61)



No mūthenya wa kwambīrīria kiumia, o gūgīkīa-rī, magīthī mbīrīrainī, makuuīte mīnyamū mīnungi wega ūo marathondekete. Na magīkora ihiga rīrīa rīarī ho rīgaragarītio, rīgathengio mbīrīra-inī. Magīgītonya thīinī, na matianakora mwīrī wa Mwathani Jesu.


Na gūgīkinya atīrī, hīndī īrīa maarigītwo nī ūndū ūcio, makiumīrīrūo nī arūme erī mehumbīte nguo ciahenahenagia, marūgamīte hakuhī nao; na rīrīa atumia acio metigīrīte mūno, makīnamīrīra maroretie mothiū thī, arūme acio makīmoria atīrī, Nī kī gīgūtūma mūcarie ūrīa wī muoyo kūrī arīa akuū? Ndarī haha, no nīariūkīte: ta ririkanai ūhoro ūrīa oigire rīrīa arātūire Galili, atīrī, Mūrū wa mūdū ndarī hingo atakaneanwo moko-inī ma andū ehia, na aambwo mūtī igūrū, na mūthenya wa gatātū nīakariūka. Nao makīririkana ciugo ciake. (Luka 24:1-8)



Na magĩũkĩra o thaa ĩo, magĩcoka Jerusalemu, magĩkora andũ arĩa ikũmi na ũmwe, o na arĩa maarĩ hamwe nao, monganĩte. Andũ acio makĩmera atĩrĩ, Nĩ ma, Mwathani nĩariũkĩte, na nĩoimĩrĩire Simoni. Nao makĩheana ũhoru wa maũndũ marĩa moneire njĩra-inĩ, na ũrĩa emenyithirie kũrĩ o na ũndũ wa kwenyũra mũgate.

Ningĩ o makĩaragia maũndũ macio-rĩ, We mwene akĩrũgama gatagatĩinĩ kao, akĩmera atĩrĩ, Mũrogĩa na thayũ. Nao magĩtuĩka nda magĩtigĩra mũno, makĩĩgereria atĩ nĩ ngoma mekuona. Nake akĩmera atĩrĩ, Mũgũtangĩka nĩkĩ? Na nĩ kĩ gĩgũtũma mũgĩe na mathangania ngoro-inĩ cianyu? Rorai moko makwa, o na magũrũ makwa, atĩ nĩ niĩ mwene; 'hambatai, mwĩonere; nĩ gũkorũo ngoma ndĩrĩ mwĩrĩ na mahĩndĩ ta ũũ mũkuona ndĩ nacio. Na aarĩkia kuuga ũguo, akĩmonia moko make, o na magũrũ.

(Luka 24:33-40)



Agĩkĩmera aĩrĩ, Ũũ nĩguo ũhoro wandĩkĩtwo Maandĩko-inĩ aĩrĩ, aĩ no mũhaka Kristo anyarĩrĩke, na acoke kũriũka oime kũrĩ aĩa akuũ mũthenya wa gatatũ, na ningĩ aĩ ũhoro wa kwĩrira na wa kuohanĩrũo mehia ũkahunĩrĩo ndũrĩrĩ ciothe na rĩitwa rĩake, na kwambĩrĩrio o kũu Jerusalemu. Na inyuĩ nĩ inyuĩ aira a maũndũ macio. (Luka 24:46-48)

Agĩcoka akĩmaruta hau maarĩ, akĩmatongoria o kinya handũ haringaine na Bethania: akĩambararia moko make na igũrũ akĩmarathima. Na gũgĩkinya aĩrĩ, o akĩmarathimaga, agĩtigana nao agĩtwarũo Igũrũ. (Luka 24:50-51)

Amu Ngai, tondũ wa ũrĩa endete kĩrĩndĩ gĩa gũkũ thĩ, nĩaarutire Mũrũ wake wa mũmwe, nĩ getha mũndũ o wothe ũmwĩhokete ndakore, no agĩe muoyo wa tene na tene. Amu Ngai ndaatũmire Mũriũ thĩ acirithie kĩrĩndĩ, tiga kĩrĩndĩ kĩhonoke nĩ ũndũ wake. Ũrĩa ũmwĩhokete ti wa gũcirithio; ũrĩa nake ũtamwĩhokete nĩarĩkĩtie gũcirithio tene agagĩtuwo mwĩhia, nĩ ũndũ ndehokete rĩitwa rĩa Mũriũ wa Ngai wa mũmwe. (Johana 3:16-18)

Twoiga tũtirĩ na wĩhia nĩ kwĩhenia tũkwĩhenia, na ũhoro-ũrĩa-wa-ma tũtirĩ naguo ngoro ciitũ. Twakiumbũra mehia maitũ, we nĩ mwĩhokeku, o na nĩ mũthingu, agatuohera mehia maitũ, na agatũtheria tũgathirũo nĩ maũndũ marĩa mothe matarĩ ma ũthingu. (I Johana 1:8-9)

Nake Jesu akĩmwĩra atĩrĩ, Nĩ nĩ njĩra, na nĩ nĩ ũhoro-ũrĩa-wa-ma, na nĩ nĩ muoyo; gũtirĩ mũndũ ũkinyaga gwĩ Ithe witũ, atokĩire harĩ niĩ. (Johana 14:6)

Ũkai kũrĩ niĩ inyuothe anogu, na inyuĩ mũtitikĩte mĩrigo mĩnene, na nĩngũmũhurũkia. Oyai icoki rĩakwa mwĩĩkĩre, na mwĩrute na niĩ: nĩ ũndũ ndĩ mũhoreri, na mwĩnyihia ngoro-inĩ: nacio ngoro cianyu nĩikũhurũkio. Nĩ gũko-rũo icoki rĩakwa nĩ rĩnyoroku, o na mũrigo wakwa nĩ mũhũthũ. (Mathayo 11:28-30)

Gwĩ ciama ingĩ nyingĩ Jesu ekire arutwo me ho, itaandĩkĩtwo mbuku ĩno; no icio nĩciandĩkĩtwo nĩ getha mwĩĩkie atĩ Jesu nĩwe Kristo, Mũrũ wa Ngai; na tondũ wa gwĩĩkia mũgĩe na muoyo na ũndũ wa rĩitwa rĩake. (Johana 20:30-31)

Nĩ nĩ Alifa o na Omega, ũrĩa wa mbere o na wa kũrigĩrĩria, ningĩ kĩambĩrĩria o na kĩrĩkĩro. (Kũguũrĩrio 22:13)

AΩ



Ihoya rĩĩ nĩĩkuonania wendi wa ngoro yaku? Angĩkorũo nĩĩkuonania, hoya ihoya ta ũũ na Kristo nĩegũtonya ngoro-inĩ yaku ta ũrĩa eranĩire:

Mwathani Jesu, Nĩndamenya atĩ ndĩ mwĩhia nanĩ-mbatairio nĩwe ngoro-inĩ yakwa, nĩndagũcokeria ngatho nĩ ũndũ wa kũnguĩra mũtharaba-inĩ nĩguo ũnjehererie mehia makwa. Nĩwega nĩũndũ wa kũnjohera mehia makwa na ũkahe muoyo wa tene na tene. Tonya ngoro-inĩ yakwa ũrĩ mũhonokia na mwathani. Tuĩka mwathani na mũtongoria wa muoyo wakwa.

Riitwa _____ Mweri _____ Mwaka _____

Mbica ici icaretwo nĩ: Linda Riddell

The TransRoman font used to print this work is available from
Linguist's Software, Inc.
P.O. Box 580, Edmonds, WA 98020-0580 USA, Tel: (425)775-1130
www.linguistsoftware.com

www.goodnewscoloringbook.org

Kikuyu

